



CUMANN
Na bPÁISTÍ
MÍSEANTA

Leabhar Acmhainne Aidbhint 2017

64 Lower Rathmines Road, Dublin 6

T:01-4972035

E:missionarychildren@wmi.ie

W:www.wmi.ie

Registered Charity No: CHY2318

Tagann Aidbhint ón bhfocal Laidine *adventus*, a chiallaíonn "teacht" agus is í tús Bhliain na hEaglaise í. Tosaíonn Aidbhint ar an gceathrú Domhnach roimh Lá Nollag, Domhnach an 3 Nollaig atá ann i mbliana, agus críochnaíonn sí ar Oíche Nollag (24 Nollaig). D'fhormhór na gCríostaithe, is séasúr é a mbaineann ionchas agus dóchas leis. Is iad **Dóchas**, **Síocháin**, **Lúcháir** agus **Grá** na téamaí is coitianta a úsáidtear do na ceithre seachtaine in Aidbhint. Go traidisiúnta, is é **corcra nó corcairghorm** bundath Aidbhinte, a léiríonn an troscadh agus an feitheamh atá mar chuid d'ullmhúchán na Nollag. Is ceangal í freisin idir breith agus bás Íosa (ceangal Carghais). Ar an tríú Domhnach in Aidbhint, athraíonn an dath go **bándearg nó go dath an róis** agus muid ag súil le deireadh an troscaidh agus le tús an cheiliúrtha do bhreith Íosa (déantar ceiliúradh ar an Domhnach seo mar Dhomhnach an Ghairdis, a chiallaíonn "lúcháir," uaireanta).

Socraigh Spás Urnaí i do sheomra ranga nó in ionad an pharóiste. Is féidir leat é seo a dhéanamh ach bord beag a chlúdach le héadach corca/corcairghorm agus na páistí a chur i mbun Fleasc Aidbhinte a dhéanamh, ar a bhfuil duilliúr ó chrainn shíorghlasa agus ó chrainn chuilinn sa ghairdín. Beidh coinneal bhán, coinneal bhándearg agus trí choinneal chorcra ag teastáil uait freisin. Mura féidir leat coinneal daite a fháil, cuir ribíní daite timpeall ar choinneal bána. Ag tús gach seachtaine i rith Aidbhinte, glac am chun an choinneal chuí i do Fhleasc Aidbhinte a lasadh agus úsáid na paidreacha sa leabhar acmhainní seo chun na páistí a thabhairt le chéile agus iad ag guí. Iarr ar na páistí an bhrí atá le gach coinneal/téama a phlé, go háirithe an bhrí atá leo dóibh féin go pearsanta. Tá ár bhféilire gníomhaíochta Aidbhinte do 2017 agus comórtas dathúcháin na Nollag sa leabhar acmhainní freisin! Cuimhnigh go bhfuil gach rud ar fáil ar líne ag www.wmi.ie le híoslódáil agus le fótachóipeáil.

Seachtain a hAon

lastar coinneal chorcra

Téama na céad seachtaine: DÓCHAS

Ceannaire: A Athair ar neamh, Tá croíúlacht do ghrá uainn inár gcroí agus tá solas do Bhriathair uainn inár n-intinní. Neartaigh ár gcreideamh ionas go mbeimid ullamh agus lán de dhóchas nuair a thiocfaidh Íosa.

Léitheoir: Dúirt Íosa: "an pobal a bhí ina suí sa dorchadas, chonaic siad solas mór, an mhuintir a chónaigh i dtír scáilmhear an bháis, d'éirigh solas chucu."
(Mhatha 5:16)

Ceannaire: Dúnaimís ár súile agus éistimís go cúramach leis na focail sa phaidir seo:

A Thiarna,
Cabhraigh linn, ar ár mbealach beag féin, dóchas a thabhairt do pháistí a bhfuil eagla nó brón orthu nó atá leo féin.
Iarraimid ort dóchas a thabhairt dóibh don todhchaí.
Trínne, lonraigh solas do dhóchais orthu.
Amen



Seachtain a Dó

lastar dhá choinneal chorcra

Téama na dara seachtaine: SÍOCHÁIN

Ceannaire: A Athair ar neamh, is gearr go lonróidh breith do Mhic, Íosa, an domhan. Go dtuga a theacht ciúin fíorshíocháin dúinn inár gcroí istigh.

Léitheoir: "Níl teorainn lena thiarnas ná críoch lena shíocháin ar chathaoir ríoga Dháiví agus ar a ríogacht, ag cur bun agus taca leo, sa cheart agus san fhíríantacht feasta go brách. - Díograis dhílis an Tiarna a chuirfidh sin i gcrích. Caitheann an Tiarna focal le Iacób agus titeann sé ar Iosrael." (Íseáia 9:6-7)

Ceannaire: Dúnaimís ár súile agus éistimis go cúramach leis na focail sa phaidir seo:

A Thiarna,
Cabhraigh linn síocháin a thabhairt dóibh siúd atá timpeall orainn. Tabhair aire do pháistí atá ag fulaingt de bharr coimhlint sa bhaile, ar scoil nó ina dtír. Cabhraigh linn brat do shíochána a chur ina dtimpeall agus sólás a thabhairt dóibh lenár gcairdeas.

Amen



Seachtain a Trí

lastar dha choinneal chorcra agus an choinneal bhándearg

Téama na triú seachtaine: LÚCHÁIR

Ceannaire: A Athair ar neamh, tá a fhios againn go bhfuil grá agat do do phobal ar fad. Cuireann do ghrá lúcháir orainn.

Léitheoir: “Bígí lúcháireach i gcónaí sa Tiarna. Deirim arís é: bíodh lúcháir oraibh. Bíodh bhur gceansacht le feiceáil ag an saol mór mar ní fada uainn an Tiarna. Ná bígí imníoch faoi rud ar bith ach cibé ní atá in easnamh oraibh cuirigí in iúl do Dhia é le hurnaí agus guí agus buíochas buan.” (Filipigh 4: 1-6)

Ceannaire: Dúnaimís ár súile agus éistimís go cúramach leis na focail sa phaidir seo:

A Thiarna,
Cuimhnímid ar na páistí ar fad ar domhan nach bhfuil aon lúcháir orthu inniu. Iarraimid ort lúcháir a chur ar a gcroí an Nollaig seo. Go raibh maith agat as an lúcháir atá orainn agus muid ag ceiliúradh bhreith Íosa.
Amen



Seachtain a Ceathair

lastar trí choinneal chorcra agus on choinneal bhándearg

Téama na ceathrú seachtaine: GRÁ

Ceannaire: A Athair ar neamh, beannaigh ár dteaghlaigh agus bronn orainn spiorad na tuisceana agus an ghrá. Go raibh ár dtithe lán de shíocháin agus gáire agus go raibh do ghrá ag lonrú ónár súile.

Léitheoir: "Bíonn an grá foighneach agus bíonn sé lách; ní bhíonn éad air; ní dhéanann sé maíomh ná mórtas; ní bhíonn sé mímhúinte ná leithleasach, míchéadfach ná agrach. Ní áil leis an éagóir ach is aoibhinn leis an mhaith. Bíonn sé lán d'fhadfhulaingt, lán de chreideamh, lán de dhóchas agus lán d'fhoighne. Rachaidh an fháidheoireacht ar ceal, rachaidh na teangacha dá dtost, agus rachaidh an t-eolas ar neamhní, ach ní rachaidh an grá i léig go deo." (1 Coranthaigh 13)

Ceannaire: Dúnaimís ár súile agus éistimís go cúramach leis na focail sa phaidir seo: A Thiarna,
Go dtugaimid grá do dhaoine eile i ngach rud a dhéanaimid agus a deirimid. Iarraimid ort inniu ár gcioncal grá agus guí a bheannú.
Cumhdaigh muid go brách in aoibhneas do ghrá.
Amen



Lá Nollag

Is ionann an coinneal bhán: ÍOSA CRÍOST

Spreg na páistí chun an coinneal seo ag solas sa bhaile

Paidir: A Leanbh Íosa, beannaigh muid inniu, do lá speisialta. Lasaimid an choinneal bhán seo chun fáilte a chur romhat mar Shlánaitheoir againn. Agus tú á iompar againn go dtí mainséar ár dteaghlach, smaoinimid ar na rudaí a mhúin tú dúinn. Mhúin tú dúinn roinnt le daoine eile, cabhrú le chéile, bheith inár gcairde agus guí. Nuair a bhreathnaímid ar sholas na coinnle, cuimhnímid ar na ceachtanna tábhachtacha sin.

Scéal Soiscéil: Tháinig Iósaf agus Muire go Beithil chun clárú don daonáireamh a d'ordaigh Céasar Agust. Agus tharla, le linn dóibh bheith ann, gur tháinig ionú Mhuire agus rugadh mac di i stábla mar nach raibh spás dóibh san ósta. Chlúdaigh sí in éadaí é agus shín sí i mainséar é. Ar leiceann cnoic gar don bhaile, bhí súil á coinneáil ag roinnt aoirí ar a gcaoirigh. Go tobann, chonaic siad aingeal agus líon glóir Dé an spéir. Bhí eagla an domhain ar na haoirí, ach dúirt an t-aingeal, "Ná bíodh eagla oraibh, tá dea-scéala agam daoibh. Rugadh leanbh i mBeithil inniu, is é Críost an Tiarna é. Gheobhaidh sibh an leanbh agus é ina luí i mainséar." Líon canadh na n-aingeal an spéir agus iad ag rá, "Glóir do Dhia in uachtar neimhe, agus síocháin ar talamh don mhuintir ar a bhfuil a ghnaoi!" Rinne na haoirí deifir go dtí Beithil agus d'aimsigh siad an stábla. Bhí leanbh beag ina luí sa mhainséar. D'inis siad do Mhuire agus d'Iósaf cad a chuala siad agus a chonaic siad an oíche sin, agus roinn siad an t-ionadh a bhí orthu. D'éist Muire go cúramach leo agus rinne sí machnamh ar na rudaí seo ar fad ina croí. Chuaigh na haoirí ar ais chuig a gcaoirigh ar an gcnoc, ag glóiriú agus ag moladh Dé faoinar chuala siad agus a bhfaca siad, de réir mar a dúirt an t-aingeal leo. (Lúcás 2: 1-20).



Óiche Nollag (Dán faoin Chead Nollag)

An sneachta ag titim
Is an oíche fuar,
Is Máthair Dé
Gan foithin ón bhfuacht.

Isteach i stábla
Ón sneachta chuaigh,
Is chuir sí Íosa
Sa mhainséar cruca.

Bó agus asal
Sa stábla bhí,
Ag faire an Linbh
Ar feadh na hoíche.

Chan na haingil
Thuas sa spéir,
"Moladh le hÍosa,
Ard-mhac Dé".

Ós rud é gurb é Cumann na Leanaí Misinéireachta Eagraíocht oifigiúil charthanachta an Phápa do pháistí sa mhísean thar lear tacaímid le leas fisiceach, spioradálta, agus mothúcháinach leanaí ar fud an domhain. Spreagann an Cumann páistí chun guí le chéile ar son a chéile agus ar son leanaí atá ag maireachtáil i mbochtaineacht agus faoi eagla. Spreagann sé leanaí chomh maith chun cibé rud is féidir leo a roinnt, is cuma cé chomh beag agus atá sé, chun cabhrú le riachtanais ábhartha a deartháireacha agus a ndeirfiúracha. Ós rud é go bhfuil carachtar uilíoch ag ár dtionscadail breathnaítear i ndiaidh riachtanais gach leanbh, beag beann ar a gcúlra nó a gcreideamh, rud a léiríonn an nádúr uilechuimsitheach na hEaglaise Caitlicí.



CUMANN
Na bPÁISTÍ
MÍSEANTA